


 <https://orcid.org/0000-0003-2226-6435>



ԳԾԱՊԱՏԿԵՐ 1


Ղրղզստանից Իրան արտահանումը և ներմուծումը, մլն ԱՄՆ դոլար

տեքստում, ինչպես նաև հնարավոր զարգացումները՝ բուն համաձայնագրի ուժի մեջ մտնելուց հետո: Վերջինս ուժի մեջ է մտել 2025 թ. մայիսի 15-ին, քանի որ, պայմանագրի դրույթների համաձայն, բոլոր կողմերն արդեն պարտավորվել են ներքին կանոնակարգերը համապատասխանեցնել համաձայնագրի պահանջներին, և Իրանի ներկայացրած համապատասխանության հաստատումից 60-օրյա ժամկետը լրացել է հենց վերոնշյալ օրը: Այսպիսով՝ ԵԱՏՄ-Իրան ազատ առևտրի ժամանակավոր համաձայնագրին արդեն փոխարինում է բուն համաձայնագիրը, ըստ որի՝ բացառությամբ հավելվածում ընդգրկված որոշ ապրանքների, առևտուրը կողմերի միջև իրականացվելու է առանց մաքսատուրքի: Կանխատեսվում է, որ բուն համաձայնագրի ուժի մեջ մտնելուց հետո ԵԱՏՄ-Իրան առևտրաշրջանառությունը կհասնի 12 մլրդ ԱՄՆ դոլարի¹: Ընդ որում, ԵԱՏՄ-Իրան առևտրի շրջանակում Ղրղզստան-Իրան առևտրաշրջանառության ծավալն ամենափոքրն է:

Գծապատկեր 1-ից կարելի է նկատել, որ երկու երկրների միջև առևտուրը մեծ ծավալներ չունի, և բացառությամբ 2016-2018 թվականների (2016 թվականին պայմանավորված էր Իրանին ընդամենը մեկ ինքնաթիռի վաճառքով, իսկ 2017-2018 թվականներին՝ լրբազգի բույսերի արտա-

հանման շեշտակի աճով), աչքի է ընկնում արտահանման նկատմամբ Իրանից ներմուծման գերակշռությամբ: Այնուամենայնիվ, եթե մինչև 2020 թ. երկու երկրների միջև արտահանման և ներմուծման ծավալները համեմատաբար համաչափ էին, ապա, 2020 թվականից սկսած, երբ Ազատ առևտրի ժամանակավոր համաձայնագիրն (ԱԱՀ) արդեն ուժի մեջ էր մտել, Իրանից ներմուծումն էականորեն գերազանցեց դեպի Իրան արտահանումը, որը 2020-2021 թթ. հասավ պատմական նվազագույնի: Այս անկման հիմնական պատճառներից էին համավարակի հետևանքով սահմանների փակումն ու լոգիստիկ շղթաների խաթարումը, որոնք անդրադարձան գլոբալ առևտրի, այդ թվում՝ Ղրղզստանից Իրան արտահանման վրա: Միաժամանակ, Իրանի տնտեսությունը բախվեց նաև ԱՄՆ-ի պատժամիջոցների խստացման և նավթի միջազգային շուկայի փլուզման հետևանքներին, ինչն առաջացրեց եռակի ճնշում երկրի տնտեսության վրա: Այդ ընթացքում իրանական ռեալն արժեզրկվեց 65%-ով²՝ հանգեցնելով ներմուծման թանկացմանը և տեղական ապրանքների համեմատ՝ գնային առումով մրցունակության անկմանը: Նույն ժամանակ արժեզրկված ռեալի պայմաններում արտերկրում բարձրացավ իրանական ապրանքների գնային մրցունակության մակարդակը: Այսպիսով, վերոնշյալ

¹ EAEU official website, <https://eec.eaeunion.org/news/andrey-slepnev-polnoformatnoe-soglashenie-o-svobodnoy-torgovle-mezhdu-eaes-i-iranom-vstupit-v-silu-1/>



ԳԾԱՊԱՏԿԵՐ 2

Ղրղզստանից Իրան արտահանումը և ներմուծումը, մլն ԱՄՆ դոլար³

8-ուրելի մրգեր և ընկույզներ, ցիտրուսային կամ բոսրանային մշակաբույսերի կեղևներ և կեղևներ, 72-սև մետաղներ, 78-արժիճ և իրեր դրանից, 85-էլեկտրական մեքենաներ և սարքավորումներ, ծայնագրող ապարարներ և դրանց մասեր, 7-բանջարեղեն և այլ կերային արմարապտուղներ և ելապտուղներ, 84-միջուկային ռեակտորներ, կաթսաներ, սարքավորումներ և մեխանիկական մասեր, 88-թոշող ապարարներ, փեղեղական ապարարներ և դրանց մասեր, 2-միս և մսից ենթամթերք, 52-բամբակ, 50-մետաքս, 28-անօրգանական քիմիական միացություններ, ռադիոակտիվ էլեմենտներ և իզոտոպներ, 24-ծխախոտ և ծխախոտի արդյունաբերական փոխարինողներ

գործոններով պայմանավորված, Իրանի ոչ նավթային արտահանումն աճեց, իսկ ներմուծումը կրճատվեց: Ու թեև ժամանակավոր ԱԱՀ նպատակն էր նպաստել փոխադարձ առևտրի ընդլայնմանը, վերոնշյալ գործոնների հետ կապված՝ արտահանման ընդլայնման հնարավորությունից առավելապես օգտվեց Իրանը: Մինչդեռ ԵԱՏՄ անդամ երկրների համար վերոնշյալ գործոնները մասնակիորեն չեզոքացրին ժամանակավոր ԱԱՀ հնարավոր առավելությունները՝ սահմանափակելով դեպի Իրան արտահանման ընդլայնման հնարավորության արդյունավետ կիրառումն այդ ժամանակահատվածում: Այնուամենայնիվ, ընդհանուր առմամբ, ժամանակավոր ԱԱՀ-ից հետո երկու երկրների միջև առևտրաշրջանառությունն էականորեն ավելացել է, թեև ծավալներով դեռևս անհամեմատ ավելի փոքր է, քան ԵԱՏՄ մյուս երկրների առևտուրն Իրանի հետ: Երկու երկրների միջև առևտրաշրջանառությունը պատմական առավելագույնին է հասել 2023 թ.¹ թե՛ արտահանման, թե՛ ներմուծման առումով: Գծապատկեր 2-ում ներկայացված է Ղրղզստանից Իրան արտահանման ապրանքային կառուցվածքը:

Գծապատկեր 2-ից կարելի է նկատել, որ Ղրղզստանից Իրան արտահանումը

դիվերսիֆիկացված չէ՝ ոչ ժամանակավոր ԱԱՀ կիրառումից առաջ, ոչ էլ դրանից հետո, ընդամենը 3 ապրանքախումբ, ըստ HS երկնիշ դասակարգման, կազմում է ողջ արտահանման ավելի քանի 90%-ը: Միայն որոշակի փոփոխության է ենթարկվել արտահանման ապրանքային կառուցվածքը. մասնավորապես՝ եթե մինչև 2017 թ. գերակշռում էր ուտելի ընկույզների արտահանումը, ապա, 2018 թ. սկսած, մեծ է եղել «Բանջարեղեն և այլ կերային արմատապտուղներ և ելապտուղներ» ապրանքախմբի արտահանման բաժինը, իսկ 2022-2023 թթ. արտահանման հիմնական ապրանքախումբը եղել է բամբակը: Ապրանքային կառուցվածքի նշված փոփոխությունը, սակայն, պայմանավորված չէ ժամանակավոր ԱԱՀ դրույթների կիրառությամբ: Աղյուսակ 1-ից կարելի է նկատել, որ, ըստ HS 6 նիշ դասակարգման, Ղրղզստանից Իրան արտահանման 5 գլխավոր ապրանքախմբերից, որոնք միասին կազմում են դեպի Իրան արտահանման 99%-ը, ոչ մեկը ենթակա չէ 0-ական մաքսատուրքի՝ համաձայն մինչև վերջերս գործող ժամանակավոր ԱԱՀ-ի: Միաժամանակ, արդեն իսկ ուժի մեջ մտած հիմնական ԱԱՀ-ով նշված բոլոր ապրանքախմբերում ընդգրկված ապրանքների հա-

¹ Կազմել է հեղինակը՝ UN Comtrade տվյալների հիման վրա, <https://comtradeplus.un.org/>

ԱՂՅՈՒՍԱԿ 1

Ղրղզստանից Իրան արտահանման 5 գլխավոր ապրանքախմբերը և առևտրային ուժեղմաների մաքսային դրույքաչափերը, 2022-2023 թթ.⁴

HS կոդ	Ապրանքախմբի անվանումը	Արտահանում (մլն ԱՄՆ դոլար)	ԱԱԲ	Ժամանակավոր ԱԱՀ	ԱԱՀ
2022					
520100	Բամբակե նրբաթել՝ չգզած	8.4	10	10	0
071332	Լոբազգի բույսերի հատիկներ	4.4	5	5	0
280920	Ֆոսֆորական և պոլիֆոսֆորական թթուներ	0.5	5	5	0
080232	Ուտելի ընկույզներ, թարմ կամ չորացրած, կեղևազերծված	0.05	55	55	55
350190	Կազեին և ածանցյալներ, կազեինի սուսինձ	0.02	5	5	0
2023					
520100	Բամբակե նրբաթել՝ չգզած	13.4	10	10	0
071332	Լոբազգի բույսերի հատիկներ	9.4	5	5	0
841112	Տուրբոռեակտիվ շարժիչ, այլ գազային տուրբին, մասեր	1.2	5	5	0
848250	Գլանաձև առանցքակալներ	0.9	10	10	0
240220	Ծխախոտ պարունակող սիգարետներ	0.2	26	26	0

մար կգործի 0-ական մաքսատուրք, բացի ուտելի ընկույզներից, որոնց համար ինչ ժամանակավոր, ինչ հիմնական ԱԱՀ-ով որևէ արտոնություն սահմանված չէ, ավելին, գործում է շատ բարձր՝ 55% մաքսատուրք:


Այսպիսով, բացի ուտելի ընկույզներից, որոնց դեպքում Իրանն ամբողջությամբ բավարարում է ներքին պահանջարկը և բարձր մաքսատուրքերով պաշտպանում ներքին շուկան, մյուս ապրանքախմբերի զրոյական մաքսատուրքը կարող է էապես ընդլայնել Ղրղզստանի արտահանման հնարավորությունները:

Ինչ վերաբերում է Իրանից ներմուծմանը, ապա վերջինս շատ ավելի դիվերսիֆիկացված է. այսպես՝ եթե Ղրղզստանից Իրան արտահանման մեջ ընդամենը 3 ապրանքախումբ կազում է ողջ արտահանման ավելի քան 98%-ը, ապա ներմուծման դեպքում 10 խոշորագույն ապրանքախմբեր միասին՝ ընդամենը 71%-ը: Իրանից Ղրղզստան ներմուծման կառուցվածքը ներկայացված է գծապատկեր 3-ում, որից կարելի է նկատել, որ վերջինս ժամանակի ընթացքում էական փոփոխությունների չի ենթարկվել: Իրանից ներմուծման կառուցվածքում մշտապես մեծ է

եղել պոլիմերային նյութերի, պլաստմասաների, ուտելի մրգերի, ընկույզների մասնաբաժինը, իսկ 2019 թ. հետո, երբ ժամանակավոր ԱԱՀ-ով որոշ վերամշակված մթերքների մաքսատուրքերը նվազեցվել են 25-100%-ով, ներմուծման մեջ շոշափելի մասնաբաժին է ունեցել նաև բանջարեղենի և պտուղների վերամշակումից ստացված մթերքների ապրանքախումբը:

Աղյուսակ 2-ից կարելի է նկատել, որ HS 6-անիշ դասակարգմամբ Իրանից Ղրղզստան ներմուծման 10 խոշոր ապրանքախմբերից միայն ապակե իրերի դեպքում է, որ նախատեսված է ժամանակավոր ԱԱՀ-ով 0% մաքսատուրք: Ընդ որում, ապակե իրերի ներմուծումն Իրանից սկսել է միայն ժամանակավոր ԱԱՀ ուժի մեջ մտնելուց հետո, նախկինում՝ 11.3% մաքսատուրքի պայմաններում, այդ ապրանքախմբից ոչինչ չէր արտահանվում Ղրղզստան: Բացի այդ, բանջարեղենային պատրաստուկների համար ժամանակավոր ԱԱՀ-ով սահմանվել է 8.3% մաքսատուրք՝ նախկին 11%-ի փոխարեն: Հիմնական ԱԱՀ-ով արդեն մինչև 20 հազար տոննայի (ԵԱՏՄ բոլոր երկրների շուկաներում միասին, ոչ թե միայն դազախական շուկայում) համար սահմանված է 0%,

⁴ Կազմել է հեղինակը՝ UN Comtrade, ԵԱՏՄ-Իրան ժամանակավոր ազատ առևտրի համաձայնագրի, ԵԱՏՄ-Իրան ազատ առևտրի համաձայնագրի և Taxprice foundation տվյալների հիման վրա, <https://taxprice.org/hs-customs-tariff/iran/26030010/>



ԳԾԱՊԱՏԿԵՐ 3



Իրանից Ղրղզստան ներմուծման 5 գլխավոր ապրանքախմբերն ըստ HS երկնիշ դասակարգման, մլն ԱՄՆ դոլար⁵

39-պոլիմերային նյութեր, պլաստմասսաներ և պատրաստի իրեր դրանցից, 08-ուրեղի պտուղներ (մրգեր) և ընկույզներ, ցիպրուսային կամ բոսորանային մշակաբույսերի կեղևներ և կծեպներ, 34-օճառ, լվացող միջոցներ, ըսանյութեր, արհեստական և պատրաստի մոմեր, 69-կերամիական արտադրանք, 32-դաբաղման կամ ներկող խտանյութեր, ներկանյութեր, գունանյութեր և այլ ներկող նյութեր, ներկեր և լաքեր, թանաք, 25-աղ, ծծումբ, հողեր և քարեր, սվաղային նյութեր, կիր և ցեմենտ, 84-միջուկային ռեակտորներ, կաթսաներ, սարքավորումներ և մեխանիկական հարմարանքներ, դրանց մասեր, 70-ապակի և ապակուց պատրաստված արտադրանք, 20-մթերքներ՝ սրացված բանջարեղենի, պտուղների (մրգերի) ընկույզեղենի կամ բույսերի այլ մասերի վերամշակումից, 07-բանջարեղեն և ուրեղի որոշ արմատապտուղներ և պալարապտուղներ, 73-արտադրատեսակներ սև մետաղներից, 05-կենդանական ծագում ունեցող այլ մթերքներ, 87-վերագնդյալ փրանս-պորտային միջոցներ, բացի երկաթուղային կամ տրամվայի շարժակազմից և դրա մասերից

որից հետո դարձյալ կիրառվելու է 8.3% մաքսատուրք:

Աղյուսակ 2-ից երևում է նաև, որ հիմնական ԱԱՀ-ով, էթիլենային պոլիմերներից բացի, նշված մյուս 9 ապրանքախմբերի նկատմամբ կիրառվելու է 0% մաքսատուրք, ինչը լայն հնարավորություններ է ապահովում իրանական արտահանման համար: Այսպիսով՝ թե՛ ժամանակավոր, թե՛ հիմնական ԱԱՀ-ով ավելի մեծ արտահանման հնարավորություններ են ընձեռվել իրանական ապրանքների համար դեպի Ղրղզստանի շուկա, քան հակառակը: Մասնավորապես՝ եթե ժամանակավոր ԱԱՀ-ով Ղրղզստանից Իրան արտահանվող հիմնական ապրանքների (որոնք կազմում են արտահանման մոտ 99%-ը) մաքսատուրքերը չեն նվազեցվել կամ զրոյացվել, իսկ հիմնական ԱԱՀ-ով էլ արտահանման հնարավորությունները սահմանափակվում են հիմնականում բամբակե նրբաթելի և լոբազգի հատիկների ուղղու-

թյամբ, ապա Իրանը՝ ավելի դիվերսիֆիկացված արտահանման կառուցվածքով, զգալի շահելու է՝ մի շարք ապրանքների գծով անարգել մուտք գործելով զրոգական շուկա: Հետագայում Ղրղզստանը, օգտվելով ԱԱՀ ընձեռած հնարավորություններից, գուցե որոշակիորեն փոխի դեպի Իրան իր արտահանման կառուցվածքը, սակայն արտահանման ներկայիս կառուցվածքի դեպքում Ղրղզստանը ԵԱՏՄ-Իրան ԱԱՀ-ից մեծ օգուտներ չի կարող ակնկալել: Միաժամանակ, հարկ է նշել, որ առևտրային համաձայնագրերի նպատակը ոչ միայն արտահանման հնարավորությունների ընդլայնումն է, այլև առավել մատչելի ներմուծման խթանումը, ինչը, ի վերջո, կարող է նպաստել բնակչության բարեկեցությանը՝ մատչելի ապրանքների հաշվին: Հետևաբար՝ Ղրղզստանն Իրանի հետ ԱԱՀ-ի շրջանակում՝ առավել էժան ներմուծման միջոցով, նույնպես ստացել է որոշակի օգուտ:

⁵ Կազմել է հեղինակը՝ UN Comtrade տվյալների հիման վրա, <https://comtradeplus.un.org/>

ԱՐՅՈՒՍԱԿ 2

Իրանից Ղրղզստան ներմուծման 10 գլխավոր ապրանքախմբերը և առևտրային ռեժիմների մաքսային դրույքաչափերը, 2022 թ.⁶

HS կոդ	Ապրանքախմբի անվանում	Ներմուծում (մլն ԱՄՆ դոլար)	ԱԱԲ	Ժամանակավոր ԱԱՀ	ԱԱՀ
200819	Ընկույզներ և այլ սերմեր՝ ավելացված շաքար, այլ քաղցրացուցիչ նյութեր	2.4	10	10	0
847810	Սարքավորումներ ծխախոտի պատրաստման համար	1.7	0	0	0
390190	Էթիլենի պոլիմերներ՝ սկզբնական ձևերով	1.6	6	6	0
320990	Արհեստական ներկ և լաք (լուծելի ոչ ջրային միջավայրում)	1.6	6	6	0
051199	Կենդանական ծագում ունեցող մթերք, որ այլ տեղում նշված չէ	1.5	5	5	0
390130	Էթիլենային պոլիմերներ, սկզբնական ձևերով՝ էթիլեն-վինիլացետատ համապոլիմերներ	1.4	6	6	6
200290	Բանջարեղենային պատրաստուկներ, լոլիկներ (բացառությամբ ամբողջական կամ կտորներով)՝ պատրաստված կամ պահածոյացված ոչ քացախով կամ քացախաթթվով	1.4	11	8.3	0, քվոտավորված
230990	Շների կամ կատունների կեր	1.4	5	5	0
701399	Ապակե իրեր	1.4	11.3	0	0

⁶ Կազմել է հեղինակը՝ UN Comtrade, ԵԱՀԿ-Իրան ժամանակավոր ազատ առևտրի համաձայնագրի, ԵԱՀԿ-Իրան Ազատ առևտրի համաձայնագրի և Taxprice foundation տվյալների հիման վրա, <https://taxprice.org/hs-customs-tarif/iran/26030010/>

ՕԳՏԱԳՈՐԾՎԱԾ ԳՐԱԿԱՆՈՒԹՅՈՒՆ

1. EAEU official website, <https://eec.eaeunion.org/news/andrey-slepnev-polnoformatnoe-soglashenie-o-svobodnoy-torgovle-mezhdu-eaes-i-iranom-vstupit-v-silu-1/>
2. Free Trade Agreement between the Eurasian Economic Union and its Member States, of the one part, and the Islamic Republic of Iran, of the other part, https://eec.eaeunion.org/upload/medialibrary/77b/FTA-EAEU_Iran.pdf
3. Interim Agreement leading to formation of a free trade area between the Eurasian Economic Union and its Member States, of the one part, and the Islamic Republic of Iran, of the other part, https://eec.eaeunion.org/upload/medialibrary/7bc/Interim-Agreement-EAEU_Iran_final.pdf
4. Iran Economic Monitor; The economy at crossroads, 2021 spring, World Bank, https://documents1.worldbank.org/curated/en/178111623662609713/pdf/Iran-Economic-Monitor-The-Economy-at-a-Crossroads.pdf?utm_source=chatgpt.com
5. Taxprice foundation, <https://taxprice.org/hs-customs-tarif/iran/26030010/>
6. UN Comtrade, <https://comtradeplus.un.org/>

Рузанна ТАДЕВОСЯН*Эксперт-научный сотрудник исследовательского центра «Амберд», к.э.н., АГЭУ*

ARMENIA AND THE WORLD

ТОРГОВЛЯ КЫРГЫЗСТАНА С ИРАНОМ В КОНТЕКСТЕ СОГЛАШЕНИЙ О СВОБОДНОЙ ТОРГОВЛЕ МЕЖДУ ЕАЭС И ИРАНОМ

В статье рассматривается торговля между Кыргызстаном и Ираном до и после вступления в силу временного соглашения о свободной торговле между ЕАЭС и Ираном, а также анализируются возможные изменения после начала действия основного соглашения. Анализ показывает, что от временного соглашения больше выиграл Иран, чем Кыргызстан, поскольку последний обладает низкой диверсификацией экспорта, но ни один из товаров, составляющих 99% его экспорта в Иран, не подпадает под действие нулевых или льготных таможенных пошлин. В то же время Иран, воспользовавшись возможностями временного соглашения, начал экспортировать в Кыргызстан товары, которые ранее не экспортировал, особенно продукты переработки овощей и фруктов, а также изделия из стекла. Основное соглашение, которое уже вступило в силу, предоставляет Ирану ещё более широкие экспортные возможности, в то время как выгоды для Кыргызстана остаются ограниченными из-за низкой диверсификации экспорта.

Ключевые слова: *ЕАЭС, Иран, Кыргызстан, соглашение о свободной торговле, экспорт, импорт*

Ruzanna TADEVOSYAN*Expert-researcher at «Amberd» Research Center, PhD in economics, ASUE*

ARMENIA AND THE WORLD

KYRGYZSTAN-IRAN TRADE IN THE CONTEXT OF THE EAEU-IRAN FREE TRADE AGREEMENTS

This paper examines Kyrgyzstan-Iran trade before and after the enforcement of the interim Free Trade Agreement (FTA) between the Eurasian Economic Union (EAEU) and Iran, and discusses the potential changes following the entry into force of the main FTA. The analysis shows that Iran has benefited more from the interim FTA than Kyrgyzstan, due to Kyrgyzstan's limited export diversification. In fact, none of the goods that account for 99% of Kyrgyzstan's exports to Iran are eligible for zero or preferential tariffs. In contrast, Iran has taken advantage of the interim agreement to begin exporting products to Kyrgyzstan that it had not previously supplied, particularly processed fruits and vegetables, and glassware. The full-scale FTA, which has already entered into force, creates even broader export opportunities for Iran, whereas Kyrgyzstan's benefits remain limited due to the lack of export diversification.

Keywords: *EAEU, Iran, Kyrgyzstan, Free Trade Agreement, export, import*